

Մենք չէինք ուզում կուել. յանուն խաղաղութեան ու հաշտութեան, պատրաստ էինք ընդառաջ գնալու ամէն տեսակ զոհողութիւններէ, սակայն, մեր նամարդ թշնամին ընթանում է իր ծրագրած ուղիով. նա, ըստ երևոյ-
յին, ստրկացնել է ուզում մեզ, բայց, իրօք, ուզում է ոչնչացնել մեր
բազմաշարժար ազգը: Բայց քանի որ պիտի ոչնչանանք, աւելի լաւ չէ՞, որ
զէնքը ձեռներիս փորձենք պաշտպանել մեզ: Գուցէ, յաջողւի մեզ կուել
ձեռք բերել ապրելու իրաւունքը:

Իսկ որ մենք կարող ենք պաշտպանել, այդ ցոյց տւին վերջին կռիւ-
ները մեր ճակատում, ուր մեզանից թւով գերազանց թշնամին նահանջի է
գլխել մեր հերոսական դրոշի առաջ:

Հարկաւոր է մի ճիշդ ևս, և թշնամին վնասւած կը լինի մեր երկրի
սահմաններէ, ուր մեր պապերն ու հայրերը երկար տարիներ արիւն-քըր-
տինքով աշխատել են դէթ մի կերպ հայթայթել իրենց օրւայ ապրուստը:

Հայե՛ր, ժամանակ չէ դանդաղելու: Մինչև յիսուն տարեկան ունեցող
բոլոր տղամարդիկ պարտաւոր են զէնքի տակ գալու. ևս պահանջում եմ
ամենքից ներկայանալ իրենց զէնքերով ու փամփուշտներով հայրենիքի
պաշտպանութեան համար:

Հայուհիներ, յիշեցէ՛ք հինգերորդ դարու փառկասուն տիկնանց,
որոնք ոգևորեցին իրենց ամուսիններին դէպի Մեծ Գործը, անմահ Վարդանի
կռիւների ժամանակ. հետեցէ՛ք նրանց օրինակին. եթէ չէք ուզում, որ ձեր
պատիւը ոտնակոխ լինի, խրախուսեցէ՛ք այն վախկոտներին, որոնք դանազան
պատրւակներով խուսափում են ճակատ գնալուց: Հաւաքեցէ՛ք ռազմաժողովը,
հաց, հագուստ և ուրիշ մթերքներ...

Ես խորապէս համոզւած եմ, որ իմ այս կոչը անարձագանգ չի մնայ,
և երկու-երեք օրւայ ընթացքում կը կազմակերպւի մի այնպիսի քաջարի
գօրաբանակ, որին կը յաջողւի վռնտել թշնամուն հայրենի հողի սահման-
ներէից և ապահովել հայ ժողովրդի գոյութիւնը:

Յանո՛ւն բազմաշարժար ժողովրդի ֆիզիքական գոյութեան,

Յանո՛ւն ոտնակոխ եղած ճշմարտութեան —

Ոտքի՛ կանգնեցէք: Դէպի՛ սրբազան պատերազմ:

Բոլոր զէնքի ընդունակ տղամարդիկ պարտաւոր են ներկայանալ
երևանում գօր. Բէթանդէգին, իսկ բոլոր հաւաքւած մթերքները պէտք է
յանձնել տեղական Ազգ. Խորհուրդներին»:

Իսկապէս որ հինգերորդ դարը յիշեցնող այս կոչը անարձագանգ
չմնաց. գօր. Սիլիկեանը ստացաւ իր պահանջածը:

Մայիս 23-ին, թշնամին, խոշոր ուժերով, յարձակման դիմեց և Բաշ-
Աբարանի ճակատում: Սկսեցին արիւնահեղ կռիւներ: Դրօին յաջողւեց
կանգնեցնել նրա յառաջխաղացումը՝ զգալի կորուստ պատճառելով նրան:

Ստանալով օժանդակ ուժեր, թիւրքերը նորից անցան յարձակման՝
հանդիպելով մերոնց յամառ դիմադրութեան: Կռիւները տևեցին մի քանի
օր: Այստեղ էլ մեր զօրքերը երեւան բերին արտակարգ տոկունութիւն ու
քաջութիւն: Դրօի հմուտ ղեկավարութեան տակ նրանք յետ չպրտեցին
թշնամու բոլոր գրոհները և մայիս 28-ին, մի խիզախ հակադրոհով փա-
խուստի մատնեցին թշնամուն: Այդ ճակատամարտում հերոսական մահով
ընկաւ հայ լաւագոյն հայդուկներից մէկը՝ ձիաւոր խմբի հրամանատար
Զեմկեակը: